

Pcd: ina ferma ed equilibrada glista per Berna

Nominà ils candidats per il cussegl naziunal e cussegl dals chantuns

■ (anr/gc) Da mes sa regurdar n'è la glista da la partida cristiandemocratica (pcd) dal Grischun per il Cussegl naziunal anc mai stada completa e decidida en in temps uschè curt. Quai è be stà pussaivel – cun tants candidats sco posts – tenor il nov sistem. Segund tal pon ins laschar vuschar avertamain davart la glista e la successiun dals candidats, proponida da la suprastanza. Sissum la glista stat tradiziunalmain il magistrat en uffizi, pia Martin Candinas, Rabius. El è suandà da deputà Franz Sepp Caluori, Cuir; deputada Silvia Casutt-Derungs, Falera; deputà Alessandro Della Vedova, Poschiavo, e da deputà Daniel Albertin, Mon.

Tuts diesch candidats – tschintg da la pcd-mamma e tants da la pcd dals giuvens en il Grischun – èn sa rendids sin tribuna. Ils candidats dals giuvens cristiandemocrats preschentan quels da la pcd grischuna per il cussegl naziunal cun allegar lur prestaziuns e tschentiar insaquantas dumondas. Ina idea tant unica sco originala: Tino Schneider ha fatg quai cun Sepp Franz Caluori; Melanie Janka cun Silvia Casutt; Caterina Ventrici cun Alessandro Della Vedova; Corina Caluori cun Daniel Albertin e René Epp cun cuss. naz. Martin Candinas, che haja prestà lavur excellenta a Berna.

Sin quai èn tuts tschintg candidats vegnids nominads cun applaus. La glista da la pcd sa preschenta equilibrada-main tant regionalmain, nà da las professiuns sco dals trais linguatges chantunals. La finamira da la pcd cun questa glista è da cuntanscher uonn in mandat



Retscha davant da sanester: Melanie Janka, René Epp, Caterina Ventrici, Tino Schneider, Corina Caluori, glista giuvna da la pcd. Retscha davos da sanester: Martin Candinas, Alessandro Della Vedova, Silvia Casutt, Franz Sepp Caluori, Daniel Albertin, cusseglier dil chantuns Stefan Engler.

MAD

cumplain en il cussegl naziunal, 17 % da las vuschs, uschia che la pcd daventia la segund-ferma partida en il Grischun.

Cun applaus è era cuss. dals chantuns Stefan Engler vegni nominà per in'ulteriura perioda d'uffizi en il cussegl dals stans. Sia carriera e prestaziun politica è

el chantun fitg impreschiunanta e ses engaschi a Berna na main.

Novas ideas e dar impuls

Il president da la pcd, cuss. dals stans Stefan Engler, ha salvà – sco usità – in pled introductiv da vaglia als 138 delegads e delegadas da la pcd, stads radu-

nads mesemna-saira per las nominaziuns en il forum dal grond concern mundial Würth a Cuir. Il parsura è partì dal fatg che tant la Svizra sco il Grischun fetschien atras nauschs temps. Las cundiziuns generalas sajan daventadas difficilas per il turissem e l'industria d'export. I dovria novas ideas e perspec-

tivas. Perquai ha la pcd grischuna elavurà in program d'impuls. Quel sa basa sin quatter pitgas: promover innovaziuns, dar impuls tras investiziuns, crear centers regiunals e dar dapli cumpetenzas a las vischnancas.

La pcd sa situeschia sco partida averta ed orientada vers l'avegnir. Ella vul augmentar ses electorat per pudair agir anc pli effizientamain. Era giavischa ella da vegnir reconuschida sco partida che fa veramain ina politica per schliaziuns.

Parolas per las votaziuns

La pcd grischuna è cunter l'iniziativa federala che vulesse reveder la lescha da stipendis. Quai duai restar domena dals chantuns. Era è ella s'exprimida cunter la refurma da la taglia d'ierta sin plaun federal che gidass strusch la AVS e na fiss betg gista. Nagina udi-da ha la gronda maiorità da la pcd per refusar la nova lescha federala da radio e televisiun. La nova portia blers avantatgs cun taxas per tuts utilisaders e saja impurtanta per garantir il service public era en favur da las minoritads linguisticas. Pertutgant las midadas tar la tecnologia da gens sin il champ uman sin plaun federal è la maiorità da la suprastanza persuenter, medemamain per la lescha chantunala senza energia da charvun segund l'iniziativa acceptada dal suveran grischun